

# PUŠETŠO MORAGO YA VAT GO BAREKIŠI

## Na pušetšo morago ya VAT ke eng?

Pušetšo morago ya VAT ke palo ya tšhelete ya VAT yeo e lefelwago ke SARS go morekiši, ge

- palomoka ya tšhelete ya motšhelo o lefišitšwego e feta palomoka ya motšhelo o lefetšwego ka nako e itšeng ya motšhelo, goba
- Morekiši a lefetše palo ya motšhelo ya VAT, ya go fetiša palo yeo e bego e swanetše go lefelwa go SARS.

## Na dipušetšo morago tša VAT go barekiši di šoma bjang?

Morekiši o swanetše go thlakantšha sekoloto sa gagwe sa VAT, go ya ka kamano ya nako ya motšhelo, ka go ntšha motšhelo o lefišitšwego (k.g VAT yeo e lefišitšwego ka theko ya dithoto le ditirelo gape yeo e dumeletšwego bjalo ka kgogelo) kgatlhanong le motšhelo o lefetšwego (k.g. VAT yeo e lefišwago ka neelo ya dithoto le ditirelo ke morekiši). Phapano [e lefelwa go SARS](#) (se se direga ge motšhelo o lefišitšwego o feta o lefetšwego).

Ge eba morekiši o swanetše go hwetša pušetšo morago, SARS e swanetše go lefela pušetšo morago mo matšatšing a 21 a go amogela pušetšo ya VAT ya go tlatšwa botse mabapi le pušetšo morago yeo. Ge eba pušetšo ga se e lefelwe mo matšatšing a kgwebo a 21, SARS e tla swanelwa ke go lefela tswala, ka tekanyo e ngwetšwego, ya palo yeo e swanetšwego go lefelwa. Le ge go le bjalo, sebaka sa matšatši a 21 a kgwebo se ka fegwa, fao e lego gore tswala e ka se lefelwe. Mohlala, ge pušetšo e ka se tlatšwe ka botlalo goba ya se hlamatsege, mo e lego gore matšatši a 21 a kgwebo a tla fegwa go fihlele morekiši a phošollago pušetšo.

SARS e ka swarelela pušetšo morago, fao, Mohlala, morekiši a sa fago tshedimošo ya nnete ya go pank, goba a sa romela dipušetšo ka moka tša VAT, goba a sa lefelago metšhelo e mengwe yeo e laolwago ke SARS.

## Na morekiši a ka ganetša goba go dira boipiletšo ge SARS e sa dumelele pušetšo morago ya VAT?

Morekiši a ka ganana goba a dira boipiletšo bja sephetho seo se tšerwego ke SARS sa go se dumelele pušetšo morago ya VAT.

**Kganetšo** goba Boipiletšo di ka tlhonga ka eFiling goba ka mokgwa wa elektroniki go lekala le lengwe le lengwe la SARS. Kganetšo e swanetše go tlhonga mo matšatšing a 30 a kgwebo go tloga ka tšatšikgwedi la kelo mola boipiletšo bo swanetše go tlhonga mo matšatšing a 30 go tloga ka dipoelo tša kganetšano.

Ka boipiletšo laetša ge eba o nyaka go diriša tšhepetšo ya Tlhatlolano ya Tharollo ya Kganetšano (ADR) goba go dira boipiletšo ka tšhepetšo ya go tšea kgato ya molao.

## Na dikleimi tša kotsi e kgolo ya pušetšo morago ya VAT e šupetšwa bjang?

SARS e diriša entšene ya kotsi go laetša dikotsi tše di ka nyalelanago le pušetšo morago, tšeo di hlalago nyakišišopele le tekolo (oditi). Barekiši bao ba ngwadišitšwego bakeng sa e-Filing b aka diriša Papetla ya Pušetšomorago go lebelela maemo a bona a pušetšo morago.

Barekiši bao ba kgethilwego bakeng sa tiišetšo ya dikleimi tša bona tša pušetšo ba tla kgopelwa go romela ditokumente tša bona tša thekgo

**Maele a Bohlokwa kudu:** Ka lebaka la bomenetša bja go amana le VAT, tirišo ya tshedimošo ya go pank ya leloko la boraro e tla dumelelwa fela mo mabakeng a mabedi, la mathomo, ge morekiši e le khamphani ya naga ya ka ntle, la bobedi, ge morekiši a wela ka fase ga “sehlopha sa dikhamphani” (k.g. morekiši ke khamphani ya go thušana goba ke khamphani ya go swara). Mo mabakeng a mabedi, morekiši o tla fana ka taolo e hlokegago go tšwa go mong wa akhaonte (Mohlala, tharollo ya khamphani) le tšhireletšo ya SARS kgatlhanong le kgonagalo ya tahlegelo ya tšhelete yeo e lefelwago go akhaonte ya pank yeo e kgethilwego. Morekiši o kgopelwa go tlatša [foromo ya VAT119i](#) bakeng sa morero wo.

## Na o hloka thušo?

- Lebelela [VAT 404 Guide for Vendors](#) (Kgaolo ya 12 – Kišontle le Tlišogae)
- Lebelela [Government Notice No. R. 316 'Export Regulations'](#)

- Letšetša [SARS Contact Centre](#) go 0800 00 7277
- Etela [lekala la kgauswi la SARS](#).